

## ଯିହୁଦାଙ୍କ ପତ୍ର ଜୀହୁଦା ରାଚାମାନି ଆକୁ ମୂଲୁ ହାଡ଼ା

ରାଚାମାନି ଜୀହୁଦା ଦରୁତଲେ ଇ ପତିଇଁ ଜୀହୁଦା ଆକୁ ଇନେରି । ଜୀହୁଦା ଜାହାରାଇଁ ଜାକୁବ ତାୟି ଇଞ୍ଜିଁ ଖେସାମାନେସି, ଜାକୁବ ଜୀସୁକି ତାୟି ମାରେସି, ଏଦାଆଁତାକି ଜୀହୁଦା ଜିକେଏ ଜୀସୁକି ତାୟି ଆନେସି ଏ । ଇ ଆକୁ ଆମିନି କୁଲମିତାକି ରାସ୍‌କି ଆହାମାତେ ଇଞ୍ଜିଁ ମାର ନେହଁକଁ ପୁଞ୍ଜାହିଲାଆୟି ଅଡ଼େ ଇମ୍‌ଆଁ ହାଡ଼େକା ପ୍ଲୁଃଇ ନେରାତି କାତା ମାନୁ, ଜୀହୁଦା ଆକୁତି ଜୀହୁଦି ଲକୁ ପଡ଼଼ି ଆନାରି ମାରେରି । ଆତିହଁ ଜିକେଏ, ଏଞ୍ଜାସି ମାହାପୁରୁ ଆବା “ହାଚାମାନି ଲକୁ, ଜୀହୁନହାଁମାନି ଲକୁ, ଅଡ଼େ ଜୀସୁ କ୍ରୀସୁକି ତାରି କିହାମାନି ଲକୁତି” କାତା ଖେସାମାନେସି ଏ । ଇ ଆକୁ ଜୀସୁ କ୍ରୀସୁ ଜାର୍ନାଆଡ଼ି ୭୦ ବାର୍ଯା ତାୟି ରାସ୍‌କି ଆହାମାତେ ।

ମିତି ଜାପୁନାରି ତାଣାଟି ହେକ ମାଞ୍ଜାଲି ବାରେ ଇ ପତି ରାଚାମାତେସି ଜୀହୁଦା ୪ । ଏଞ୍ଜାସି ପ୍ଲୁଃଇ ନେରାତା ଗଟ଼ି ଆଡ଼ି କାତା ଆବହାମାନେସି ଅଡ଼େ ତାନି ରୁକୁବାଡ଼ିତି ଆବ଼ଞ୍ଜା କିହାମାନେସି । ଇ ଆକୁତା ପିତରତି ରା ଲମ୍‌ର ଆକୁତା ମାନି ନାଡ଼ି କିନାଣି ଜାପୁନାରି କାତା ଜୀହୁଦା ୪; ୨ପିତ ୨:୧ ଅଡ଼େ ଜିକେଏ ଦୂତୁୟାଁ, ସଦମ ଅଡ଼େ ଗମରାତି କାତା ରାଚାମାନେସି ।

### ପତିତା ମାନାୟି

୧. ଜୀହୁଦା ତାନି ପତି ପଡ଼଼ି ଆନାରାଇଁ ଜହରା କିନାୟି । ୧-୨
୨. ଏଞ୍ଜାସି ମିତି ଜାପୁନାରି କାତା ଖେହ୍‌ନାୟି । ୩-୪
୩. ପ୍ଲୁଃଇ ନେରାତି କାତା ଅଡ଼େ ଲକୁତି କାତା ଖେହ୍‌ନାୟି । ୫-୧୭
୪. ଏଞ୍ଜାସି ଏଞ୍ଜାରାଇଁ ଏନାଆଁ କିନାୟିମାନେ ଇଞ୍ଜିଁ ଖେହ୍‌ନାୟି । ୧୭-୨୩
୫. ମାହାପୁରୁଇଁ ଜହରା କିହାନା ଆକୁ ରାପୁନାୟି । ୨୪-୨୫

୧ ନାନୁ ଜାହୁଦାତେଏଁ, କ୍ରୀସ୍ତ ଜୀୟୁତି ହଲେଏସି ଅଡ଼େ ଜାକୁବତି ତାୟି, ଆଡା ମାହାପୁରୁ ଆଡା ମାନାତେରି ଅଡ଼େ ତାନି ଜୀଝୁ ନନାତେରି ଇଞ୍ଜା ଜୀସୁ କ୍ରୀସ୍ତ ତାକି ଆଡ଼ି ଆହାମାନାତେରି ମିଙ୍ଗେତାକି ଇ ଆକୁ ରାଡ଼ିମାଞ୍ଜାଇଁ ।

୨ ମିଙ୍ଗେତାକି ମାହାପୁରୁତି କାର୍ମାମେହନାୟି ଅଡ଼େ ହିଡ଼ି ଜୀଝୁ ଇଞ୍ଜା ଜୀଝୁନନାୟି ହାଡ଼େପୁରେ ଆୟାପେ ।

### ମିତି ଜାପୁନାରି

୩ ଏ ନା ଜୀଝୁତି ତଣେସିଙ୍ଗା ମାର ବାରେ ଜାଣାତାୟି ଏମିନି ଗେଲପି ଆନି ତାଣା ଆଣ୍ଟାମାନାୟି, ଏ କାତା ମିଙ୍ଗେ ତାକି ରାଡ଼ାଲି ଅଣ୍ଟିମାଚେଏଁ । ସାମା ମାହାପୁରୁ ତାନି ଲକୁଣି କାଲାକାଲାତାକି ହାହାମାନି ନାମୁ ଝାକିଟି ଜୁଜୁ କିହାଲି ମିଙ୍ଗେ ରାହାଁ କିଝି କିୟାଲି ଲଡ଼ାମାନେ ଇଞ୍ଜା ଅଣ୍ଟିମାଚେଏଁ । ୪ ଏନାଆଁତାକି ଇଚିହଁ ଏଚରଜାଣା ମାହାପୁରୁଇଁ ମାନଝି ଆଆଗାଟାରି ମେଣେଏ ମୀ ବିତ୍ତା ଝାହାମାନେରି, ଏଝାରି ମାହାପୁରୁ କାର୍ମାମେହନି କାତା ତିରିମ୍ବୁପହାନା ତାମ୍ବୁତାମ୍ବୁ ଅଣ୍ଟିମି ଲେହେଁ ଲାଗେଏ ପଲେଏତି କାମା କିହମାନେରି, ଅଡ଼େ ଜୀସୁ କ୍ରୀସ୍ତ ରଅସିଏ କାଜାସି ଅଡ଼େ ପ୍ରୁ, ଏଝାରି ଏଝାଣାଇଁ ଅପଅରି, ଏଝାରି ବେଟାଆନି ତଣ୍ଡି କାତା ତଲି କାଲାଟିଏ ଦାମ୍ବୁପତିତା ରାସ୍ତକି ଆହାମାନେ ।

୫ ପ୍ରୁ ତଲିଏ ଏଚରଜାଣା ତାନି ଲକୁଣି ମିସର ଦେସାଟି ପିସ୍ପି କିତେସି, ସାମା ଏଝାରି ବିତ୍ତାଟି ନାମାଆଗାଟାରାଇଁ ନାସା କିତେସି, ଇଚିହଁ ବାରେ କାତା ପୁଞ୍ଜାମାଟି ଜିକେଏ ମିଙ୍ଗେ ଅଡ଼େ ଝେଣ୍ଡେ ଅଣ୍ଟି କିଝି କିୟାଲି ଅଣ୍ଟିମାଲ୍ । ୬ ଅଡ଼େ ଏମିନି ଦୁଡୁୟାଁ ମାହାପୁରୁ ହାହାମାଟି ପାଣା ପିସାନା ତାନି ବାସାଆନି ଟାୟୁ ପିସ୍ପୁ ମାହାପୁରୁ ଏ ଦୁଡୁୟାଁଇଁ ନାହାଁୟି କିନି ଦିନା ପାତେକା ଆନ୍ଦେରି ଟାୟୁତା କାଲାକାଲା ତାକି ହିକଣିୟାଁ ତଲେ ଦସା ଇଟାମାନେସି । ୭ ଏଲେକିହଁଏ ସଦମ ଅଡ଼େ ଗମରା ଅଡ଼େ ତାନି ସାରିସୁଟୁ ମାଟି ଗାଡ଼ାୟାଁତାରି, ଦାରିକାମା ଅଡ଼େ ତାନି ବିତ୍ତା ଲାଗେଏ ଅଡ଼େ ଅପାଆଗାଟି ଲାଜା ଆନି କାମା କିତେରି, ଏଦାଆଁତାକି କାଲାକାଲା ତାକି ଡ଼ାଞ୍ଜିମାନି ହିଚୁତା ସାସି

ବେଟାଆଡ଼େରି, ମା ବାରେଜାଣା ତାକି ଜାଗ୍ରାତା କିଞ୍ଚିକିନି କାତା  
ଲେହେଁତାୟି ଇଞ୍ଜିଁ ମୀରୁ ଅଣ୍ଠାଦୁ ।

୮ ଏଲେକିହିଁଏ ହାପାନା ହେଣନାରି ଜିକେଏ, ଅପାଆଗାଟି କାମା  
ତଲେ ତାମି ଆଙ୍ଗାତି ଲାଗେଏ କିହିମାନେରି, ଅଡ଼େ ମାହାପୁରୁତି  
ଅଦିକାରାତି ଅପାଆନା ଲାକପୁରୁତି ଦୁତୁୟାଁଇଁ ନିନ୍ଦା କିହିମାନେରି  
। ୯ ✱ସାମା ବାରେକିହାଁ କାଜା ଦୁତୁ ମିକାୟେଲ ମସାତି ମାଡ଼ହା  
ତାକି ସୟତାନ ତଲେ ବାଦିବାଦା ଆଡ଼ାଟି ନିନ୍ଦା କିହାନା ଏଦାନି  
ବିଚାରା କିହାଲି ସାସା କିଆନା, ଖାରଇ ଏଚେକା ଏଲେଇଚେ, “ପ୍ରୁ  
ନିଙ୍ଗେ ଦାକା ହିୟାପେସି ।” ୧୦ ସାମା ଇ ଲକୁ ତାମ୍ନୁ ପୁନାଆଗାଟାଣି  
ବାରେ ନିନ୍ଦା କିନେରି, ଇଞ୍ଜା ବୁଦି ହିଲାଆଗାଟି ଜନ୍ତୁ ଲେହେଁ ତାମ୍ନୁ  
ତାମି ଆଙ୍ଗାତି ଅଣ୍ଠାପୁ ତଲେ ପୁଞ୍ଜାମାନି ତାଣାଟି ନାସା ଆନେରି ।  
୧୧ ଆୟତା, ଏଞ୍ଜାରି ତଣ୍ଡ ବେଟାଆନାରି, ଇତିହିଁ ଏଞ୍ଜାରି କୟିନ  
ଜିରୁତା ହାଜାମାନେରି, ତାରୁୟାଁ ଜୁପକାତାକି ଏଞ୍ଜାରି ବିଲିୟମ ଦହ  
କିତିଲେହେଁ ଦହ କିହାମାନେରି, ଏଞ୍ଜାରି କରହ ଲେହେଁ ହୁଆଗାଟି  
ଗଡ଼ହା କିହାନା ଏଞ୍ଜାଣିଲେହେଁ ନାସା ଆନେରି । ୧୨ ଏଞ୍ଜାରି ଲାଜା  
ଆଆନା ମୀ ତଲେ ତିଞ୍ଜା ଉଣ୍ଡାନା ମୀ ରାହାଁତି ବଜିତା ଆଣ୍ଡାନା  
ମାହୁଁତି ଗାରି ଲେହେଁତାରି, ଏଞ୍ଜାରି ଖାରଇ ଜାହାରା ତାକି  
ଅଣ୍ଠପିନେରି, ଏଞ୍ଜାରି ଗାଲି ଖେନି ପିୟୁ ରାଆଗାଟି ଦୁନ୍ଦା ଲେହେଁତାରି,  
ଏଞ୍ଜାରି ତାକି ମେଗାନା ପେନିବେଲା ପାଡ଼େୟି ଆୟାଆଗାଟି ଖାୟିତି  
ମାରୁନୁ ଲେହେଁତାରି । ୧୩ ଏଞ୍ଜାରି ସାମ୍‌ଦୁରି ଖାଡ଼ିସାରି ହନି ମାଡ଼ିଗାଟି  
ପମ୍‌ଲି ଲେହେଁ ଏଞ୍ଜାରି ଲାଜାଗାଟି କାମାୟାଁ ତଞ୍ଜାଆନେ, ଏଞ୍ଜାରି  
ତାମି ଟାୟୁ ପିସାନା ଇତାଲା ଆତାଲା ରେନି ହୁକାୟାଁ ଲେହେଁତାରି,  
ଏଞ୍ଜାରାକି ମାହାପୁରୁ କାଲେଏତାକି ଆନ୍ଦେରିଗାଟି ଟାୟୁ ତିୟାରା କିହାଁ  
ଇଟାମାନେସି ।

୧୪ ଆଦମ ଟିଏ ସାଡ଼ା ଲମ୍ବର ମାଣ୍ଡସି ହନକ, ଜିକେଏ ତାୟୁ ଆନି  
କାତା ଏଞ୍ଜାରି ତାକି ଖେକହା ମାଚେସି, “ମେହ୍‌ମୁ ପ୍ରୁ ତାନି ମାଣା  
ମାଣା ସୁଦୁଗାଟି ଦୁତୁୟାଁ ତଲେ ଖାନ୍ଦେସି ।” ୧୫ ମେହ୍‌ମୁ ପ୍ରୁ ନୀହାଁୟି  
କିୟାଲି ଖାନ୍ଦେସି, ଏଞ୍ଜାସି ଦାମ୍‌ ହିଲାଆଗାଟାରାଇଁ ତାମି ପଲ୍‌ଆ  
କାମାତାକି ଅଡ଼େ ଏଞ୍ଜାରି ମାହାପୁରୁଇଁ ମାନୁଞ୍ଜି ଆଆନା ଏଞ୍ଜାଣି କପାଟି

ଝେସ୍ତି ଅପାଆଗାଟି କାତାତାକି ଏଝାରାଇଁ ଦହଗାଟାରି କିହାନା ତଣ୍ଡ ହୀନେସି ।

୧୭ ଈ ଲକୁ ବାରେବେଲା ତାମ୍ନୁ ତାମ୍ନୁ ଏଚେକା ବେଟାଆଡ଼ି ଜିକେଏ ରାହାଁ ଆଅରି । ଏଝାରି ଝାରୁଇ ତାମି ଲାଗେଏ ପଲେଏଡି ଅଣ୍ପୁ ତଲେ ସାଲଝି ଆନେରି; ଏଝାରି ବଡପଣ ତସାନା କାଜା କାତା ଝେହନେରି, ଅଡ଼େ ଲାବା ବେଟାଆହାଲି ଜୁପକା ତସାନା ଲକୁ ନକିତା ଅକିତି କାତା ଝେହନେରି ।

### ଜାଗ୍ରାତା ଅଡ଼େ ଜାପ୍ନି କାତା

୧୭ ସାମା ଏ ନା ଜୀଝୁତି ତଢେସିଙ୍ଗା ମା ପ୍ରୁ ଜୀସୁ କ୍ରୀସ୍ତତି ପାଣ୍ଡୁଝି ଆହାମାନାରି ତଲିଟିଏ ଏମିନି ବାରେ କାତା ଝେସାମାନାଣି ବାରେ ଅଣ୍ପାଦୁ । ୧୮ ଏଝାରି ଏନିକି ମିଙ୍ଗେ ଝେସାମାଞ୍ଜାତେରି ରାନ୍ତି ବେଲା ମାହାପୁରୁଇଁ ମାନଝି ଆହାନା ତାମି ଅଣ୍ପୁ ତଲେ ମାଞ୍ଜାନା ନିନ୍ଦା କାତା ଝେହନାରି ହନେରି ଇଞ୍ଜା ଲାଜା କିହାନା ଏଲେଇଞ୍ଜାନେରି । ୧୯ ଏଝାରି ଗଡ଼ହା କିଝି କିହାଁ ଜାରୁ ତିକ୍ନେରି, ଅଡ଼େ ଆଙ୍ଗାତି ଅଣ୍ପୁଟି ସାଲଝି ଆହାନା, ମାହାପୁରୁତି ନେହଁ ଜୀଝୁ ବେଟାଆଆତାରି । ୨୦ ସାମା ଏ ତଢେସିଙ୍ଗା ମୀରୁ ମୀ ତାରିଗାଟି ନାମୁଗାଟି ଦାମ୍ପୁତି ଇଲୁ ପାଡିକିହାଁ କତାଦୁ, ଅଡ଼େ ସୁଦୁଜୀଝୁ ତଲେ ପ୍ରାଡାନା କିଦୁ । ୨୧ ମା ପ୍ରୁ ଜୀସୁ କ୍ରୀସ୍ତତି କାର୍ମାଟି କାଲାକାଲାତି ଜୀଝୁ ହିୟାନେସି, ମୀରୁ ଏଦାଆଁ ବେଟାଆହାଲି କାଟାନା ମାହାପୁରୁ ଜୀଝୁନହଁ ମାଞ୍ଜାନି ତାଣା ମାଞ୍ଜେମାଞ୍ଜୁ ।

୨୨ ଆନାମାନା ଆନ୍ତି ଲକୁଣି କାର୍ମାମେସାନା ନାମୁତା ପାଡିକିଦୁ । ୨୩ ଏଚକା ତାରାଇଁ ହିରୁଟି ଡେଝିତି ଲେହେଁ ଗେଲ୍ପାଦୁ, ଆଙ୍ଗାତି ପାପୁ କାମାତା ମାହାମାନି ହିମ୍ପୁରିକା ଅପାଆଦୁ, ଏଚର ଲକୁଣି କାର୍ମା ମେସ୍ତମି ଜିକେଏ ଏଝାରାଇଁ ଆଜିନାୟି ମାନେ ।

### ଜହରାତି ପାରୁ

୨୪ ଆମ୍ବାଆସି ମିଙ୍ଗେ ପୁଟିକିନି ତାଣାଟି ଗେଲ୍ପାଲି ଆଡାନେସି, ଅଡ଼େ ତାନି ଗାଝୁରମିତି ହାରେକା ରାହାଁତଲେ ନକିତା ତାଚାଲି, ମାଙ୍ଗେ ଦହ ହିଲାଆଗାଟି ଲକୁ ଲେହେଁ କିହାଲି ଆଡାନେସି । ୨୫ ଏମା ପ୍ରୁ ଜୀସୁ କ୍ରୀସ୍ତ ତାକି ମା ଗେଲ୍ପାନି ମାହାପୁରୁ ରଅସିଏ, ଗାଝୁରମି,

କାଜାପାଣୀ, ବାଡ଼ିୟୁ ଅଡ଼େ ସାଲୁଓ କିନାୟି କାଲେଏତାୟି, ନୀର୍ସା,  
ଅଡ଼େ ଜୁଗୁ ଜୁଗୁତାକି ଏଝାଣିଝାୟି । ଆନେନ୍ ।

## ପୁସ୍ତକ ଫେରା

# The New Testament in the Kuvi language of India: ପୁସ୍ତକ ଫେରା (Bible)

copyright © 2020 The Word for the World International

Language: କୁଭି (Kuvi)

Contributor: The Word for the World International

## ପୁସ୍ତକ ଫେରା, କୁଭି ପୁସ୍ତକ ଫେରା, 2020

The New Testament in Kuvi Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-12

---

PDF generated using Haiola and XeLaTeX on 21 Feb 2024 from source files dated 13 Apr 2023

081337bf-dba3-542b-bc85-280acfb14d33